

摘藻堂四庫全書薈要

經部

欽定四庫全書薈要

經部

三禮圖卷三



詳校官編修臣程嘉謨

欽定四庫全書薈要卷二千五百四十八

經部

三禮圖卷三

宋 聶崇義 撰

冠冕圖

童子服

將冠者

緇布冠

三制

太古冠

新制

緇布冠

新制

頽項

上音丘委反

青組纓

纓

皮弁

爵弁

弁



紘

篋

簞

匱

委貌

如進賢冠

委貌

如皮弁者

委貌

張鑑圖制

委貌

梁正法

母追

音牟堆

章甫

周弁

通天冠

遠遊冠

高山冠

長冠

一名齊冠

法冠

建華冠

武弁大冠

術氏冠

方山冠

巧士冠

卻非冠

樊噲冠

卻敵冠

章甫冠

別一法

四冕

叔孫通稽周法

三冠

皆進賢冠

梁正修阮鄭等圖以童子之服繫冕弁之末不連緇布皮弁等服張鑑圖以童子服連緇布冠下盡殷噶夏叔

以通天遠遊已下為不出三禮經義別編於下卷今案士冠禮云將冠者采衣紒其將冠者即童子二十者也將行冠禮始加緇布次加皮弁次加爵弁若本其行事敘將冠之服列於緇布之上於理為當今依而次之仍升童子之服為卷首下梁之古冠庶得兩從知禮之自也

童子服




童子采衣紒故士冠禮云將冠者采衣紒注云采衣未冠者所服玉藻云童子之節也緇布衣錦緣錦紳并紐錦束髮皆朱錦也紒結髮也賈疏云將冠者即童子二十者也以其冠事未至故言將冠童子既不帛襦袴不裘裳故以錦為緇布衣緣飾又以錦為大帶及結紳之紐故云錦紳并紐也紐長與紳齊又以錦為之束髮總此釋紒謂結髮也詩云總角兮是也皆用朱錦飾者以童子尚華示將成人有文德故皆用錦示一文一質



之義衣襦袴并緇布是質也黑屨無絢青纁純又盧植  
云童子紒似刀環





緇布冠制三



舊圖云始冠緇布今武士冠則其遺象也大小之制未聞


太古冠  
増新



梁正又云師說不同今傳疏二冠之象又下有進賢皆云古之緇布冠之遺象其張鎰重修亦云舊圖有此三象其本狀及制之大小未聞此皆不本經義務在相沿疾速就事今別圖於左庶典法不墜

緇布冠

太古縮縫者



緇布冠始冠之冠也記曰太古冠布齊則緇之其緇也  
孔子曰吾未之聞也此主謂大夫士無緇耳諸侯始加  
緇布冠績緇其頰項青組纓則與士同其士以青組纓  
結於頤下無緇自士已上冠訖則弊去之不復著也然  
庶人猶著之故詩云彼都人士臺笠緇撮謂彼都邑人  
有士行者以緇布為冠撮持其髮



周制

者横縫



檀弓曰古者冠縮縫今也衡縫注云縮從也衡讀為橫

孔疏云縮直也古謂殷已上質吉凶冠皆直縫直縫者

辟積少故一一前後直縫之其冠廣三寸落頂前後兩

頭皆在武下向外出反屈之縫於武辟積三皆厭伏今

即周也周尚文多辟積不復一直縫但多作袷音輒并

橫縫之故周吉冠多辟袷而橫縫又以冠兩頭皆在武

上向內反屈縫之既吉凶相變其喪冠質猶踈辟袷而


右直縫之以兩頭皆在武下向外反屈縫於武故得厭

伏之名其吉冠則左辟襯而橫縫之詳此文義法式顯然梁正言大小之制未聞一何固也張鎰棄古今之順說斯焉捨諸今依經䟽述而圖之




頰  
項

上  
丘  
委  
切



頰經作缺註讀如有頰者弁之頰緇布冠無筭著頰圍  
髮際結項中隅為四綴以固冠也項中有緼亦由固頰  
為之賈釋曰頰項者謂於頰兩頭皆有緼別以繩穿於  
緼中於項上結之因名頰項既結頰於項則頰上四綴  
當首之四隅以四綴上屬於冠武然後得冠頰之安穩  
謂別以繩穿項中之緼結之因得頰之牢固故云亦由  
固頰為之

青組纓



士冠禮云青組纓屬於頰此謂緇布冠無笄乃以二條之組兩相屬於頰既屬訖則以所垂條者於頤下結之故註云無笄者纓而結其條也




纒




士冠禮曰緇纚廣終幅長六尺註云纚一幅長六尺足  
以緇髮而結之此謂用纚緇髮訖乃為紒矣

皮弁



士冠禮注云皮弁以白鹿皮為之象太古又舊圖云以鹿皮淺毛黃白者為之高尺二寸周禮王及諸侯孤卿大夫之皮弁會有五采三采二采玉璫象邸唯不言士之皮弁有此等之飾凡於圖中重見者以其本旨不同也此解士冠禮三加次加皮弁是以重出他皆類此

爵弁



爵弁鄭云冕之次也其色赤而微黑如爵頭然用三十  
升布為之亦長尺六寸廣八寸前圓後方無旒而前後  
平


竹  
升



士冠禮云皮弁笄爵弁笄註云笄今之簪也梁正阮氏  
圖云士以骨大夫以象




紘




士冠禮云緇組紃纁邊此謂皮弁爵弁皆有笄故設此  
紃也先以組一頭於左笄上繫定乃繞頤下右相向上  
屬於笄屈繫之垂餘為飾纁邊者以緇為中以纁為邊  
側而織之也舊圖紃兩頭別出細帶深誤

竹篋




士冠禮註云隋方曰篋謂方而殺其角也又經云同篋  
鄭以緇布冠已下凡六物同篋故賈釋云緇布冠屬於  
頰共為一物緇纁長六尺二物也皮弁笄三物也爵弁  
笄四物也其緇組紃纁邊皮弁爵弁各有一則為二物  
通四為六物也

簞



士冠禮云櫛實于簞註云簞筥也又曲禮註云圓曰簞  
方曰筥筥與簞方圓有異此云簞筥也共為一物者鄭  
舉其類也

匱



士冠禮云爵弁皮弁緇布冠各一匱執以待于西牀南  
註云匱竹器名今之冠箱也舊圖畫而圓梁正改而方  
舊匱在爵弁之下今依經次於簞後



貌委

張鑑  
圖制



貌委

如進  
冠賢



貌委

梁正  
法




貌委

如皮  
弁者

委貌一名玄冠故士冠禮云主人玄冠朝服註云玄冠  
委貌也舊圖云委貌進賢冠其遺象也漢志云委貌與  
皮弁冠同制案張鎰圖諸侯朝服之玄冠士之玄端之  
玄冠諸侯之冠弁此三冠與周天子委貌形制相同則  
與進賢之遺象皮弁之同制者遠相異也其梁正因阮  
氏之本而圖委貌與前三法形制又殊臣崇義詳此委  
貌之四狀蓋後代變亂法度隨時造作古今之制或見  
乎文張氏僅得之矣今並圖之於右冀來哲所擇

母追

章甫



舊圖云夏曰母追

音年堆

殷曰章甫周曰委貌

委貌制已見上

後

代轉以巧意改新而易其名耳其制相比皆以漆布為  
殼以緇縫其上前廣四寸高五寸後廣四寸高三寸章  
甫委大章其身也母追制與周委貌同殷冠委大臨前  
夏冠委前小損臣崇義案郊特牲曰委貌周道也章甫  
殷道也母追夏后氏之道也孔疏云三代恒服行道之  
冠俱用緇布其形自別既言俱用緇布為之則緇布冠  
是委貌等矣蓋布有簠縵各為一名又漢志云長七寸

高四寸制如覆杯前高廣後卑銳所謂夏之母追殷之

章甫者也


母追有覆杯之狀

但古法難識依文觀象備圖於右

庶合遺制他皆類此



周弁





案王制疏與舊圖云周曰弁殷曰皐夏曰收三冠之制相似而微異俱以三十升布漆為之皆廣八寸長尺六寸前圓後方無旒色赤而微黑如爵頭然前大後小殷皐黑而微白前小後大收純黑亦前小後大三冠下皆有收如東道笠下收矣又後漢志云爵弁一名冕廣八寸長尺二寸如爵形前小後大繒其上似爵頭色有收持筭所謂夏收殷皐者也祠天地五郊明堂雲翹舞樂人服之禮曰朱干玉戚冕而舞大夏此之謂也又案士



冠禮云周弁殷皐夏收註云其制之異未聞謂夏殷禮  
亡其制與周異同未聞故下不圖夏殷二冠之象張鎰  
亦略而不取




通天冠




後漢志云通天冠高九寸正豎頂少斜卻乃直下為鐵  
卷梁前有山有展筩乘輿常服服深衣制如袍隨五時  
五色漢受于秦禮無文或曰周公挹成王燕居故施袍  
兩存者圖制或殊更存一法他皆類此

遠遊冠



遠遊冠後漢志云如通天冠有展筩無山述又案唐典  
云遠遊三梁冠黑介幘青綾諸王服之若太子及親王  
即加金附蟬九首施珠翠纓翠綾犀簪導

# 高山冠




後漢志曰高山冠一曰側注冠制如通天頂不斜卻直豎  
無山述展筭蔡邕獨斷曰鐵為卷梁高九寸胡廣曰高  
山冠蓋齊王冠也秦滅齊以其君冠賜近臣謁者服之  
又史記酈生謁高祖其冠側注漢舊儀曰乘輿冠高山  
冠幘耳赤丹紉裏

丹色  
之纓



長冠





後漢志云長冠一曰齊冠前高七寸廣三寸而後促漆  
纚為之制如版以竹為裏初高帝微時以竹皮為之謂  
之劉氏冠楚冠制也祀宗廟諸祀則冠之皆衿玄

衿居  
反



獨斷曰紺繒也吳都  
賦注云衿卑服也

# 法冠




法冠後漢志一曰柱後冠高五寸以纚為之展簫以鐵為卷柱取其直而不撓也又唐志云法冠一名獬豸冠以鐵為柱上施珠二枚或曰獬豸神羊取別曲直楚王獲之故以為冠秦滅楚以其君服賜執法者侍御史廷尉正監平皆服之

建華冠



建華冠後漢志云以鐵為柱卷貫大銅珠九枚前圓又飾以鵠羽於頂祀天地五郊八佾舞人服之


武弁大冠



武冠後漢志云一曰武弁大冠武官冠之其制古緇布之象也侍中中常侍加黃金璫附蟬為文貂尾為飾胡廣曰趙武靈王效胡服以金璫飾首前插貂尾為貴職秦滅趙以其冠賜近臣以金蟬貂尾飾者金取堅剛百鍊而不耗蟬取居高飲露而不食貂取內勁捍而外溫潤毛采紫蔚而不彰灼



術氏冠




術氏冠即鵠冠也前漢書五行志註云鵠知天將雨之鳥也故司天文者冠鵠冠吳制差池四重高下取術畫鵠羽為飾紺色又註云此術氏冠即鵠冠也新圖誤題為術士冠太子詹事尹拙議云舊圖皆為術氏冠仍案顏師古刊謬正俗云鄭子華之弟子臧出奔宋好聚鵠冠刊字本與御名同不欲斥之故改焉又云鵠水鳥天將雨則鳴古人以其知天時乃為冠象此鳥形使掌天文者冠之故逸禮記曰知天文者冠鵠冠此其證也鵠音

聿亦音術蔡邕獨斷謂為術氏冠亦因鷁音轉為術耳  
非道術之謂也今謂於術士冠下添云亦謂之術士冠  
工部尚書竇儀議曰臣儀今詳術士冠已依舊圖改為  
術氏冠




方山冠



方山冠後漢志云制似進賢前高七寸後高三寸纓長八寸似進賢冠五采縠為之祠宗廟天子八佾四時五行樂人服之冠衣各如其行方之色又景帝紀云高廟奏武德文始五行之舞禮樂志曰武德高帝所作也文始舜舞也五行周舞也武德者舞人執干戚舞也文始者舞人執羽籥舞也五行舞者舞人冠冕衣服法五行色也

巧士冠



巧士冠後漢志云前高七寸

木或作五寸

要後相通直豎不

常服唯郊天黃門從官四人冠之在鹵簿中次乘輿前  
以備宦者四星也



卻非冠




卻非冠後漢志云制似長冠下促宮殿門吏僕射冠之  
舊圖云高五寸

樊噲冠




樊噲冠後漢志云樊噲造次所冠以入項羽軍廣九寸  
高七寸前後各出四寸制似冕司馬殿門衛士服之或  
曰樊噲常持鐵楯聞項羽有意殺漢王噲裂裳裹楯冠  
之入羽軍立漢王側視項羽舊圖如巧士冠既違漢志  
不敢依從

卻敵冠



卻敵冠後漢志云前高四寸後高三寸通長四寸註舊  
圖通作纓制似進賢衛士服之禮無明文


章甫冠



舊圖云章甫殷冠亦名𠵽紵中冒上黑屋十月行禮服  
之臣崇義案王制云夏后氏收而祭殷人𠵽而祭周人  
冕而祭又郊特牲云委貌周道也章甫殷道也母追夏  
后氏之道也然則章甫是殷之行道之冠𠵽是殷之祭  
冕朝祭異服顯有明文而梁正等皆云章甫亦名𠵽誤  
之甚也言行道及朝皆冠章甫不可更名為𠵽也今依紵中冒上以黑屋之  
制別存章甫之一法不可更有𠵽名兼諸狀雜亂亦不  
重出




七旒




四冕


一本  
無旒



九旒






二十旒



世本云黃帝造冕王制云有虞氏皇冕論語云禹致美乎黻冕孔子曰服周之冕此明至周冕始加旒藻玉皆五采前後各十二叔孫通制禮多依周法又漢制度古今之冕略等俱廣八寸長尺六寸前圓後方漢用白玉珠各十二三公九旒青珠中二千石七旒黑珠然冕服之飾周最為備故孔子有服周之冕云

進賢冠



舊圖云古三冠梁數雖異俱曰進賢前高七寸纓長八寸後高三寸一梁下大夫一命所服兩梁再命大夫二千石所服三梁三命上大夫公侯所服禮不記今案唐典三品已上三梁五品已上兩梁九品已上一梁臣崇義案漢明帝永平二年春正月辛未宗祀光武皇帝於明堂帝及公卿列侯始服冠冕衣裳玉佩紉屨以行事又漢官儀曰天子冠通天諸王冠遠遊三公諸侯冠進賢三梁卿大夫尚書二千石博士冠兩梁千石以下至

小吏冠一梁天子公卿特進諸侯祀天地明堂皆冠平  
冕天子十二旒三公九旒卿大夫諸侯七旒其纓各如  
綬色玄衣纁裳董巴輿服志曰顯宗初服冕旒衣裳以  
祀天地上玄下纁乘輿備文日月星辰十二章三公諸  
侯用山龍已下九章卿以下用華蟲七章皆五采乘輿  
刺繡公卿已下皆織成陳留襄邑獻之徐廣車服註云  
漢明帝案古禮備其服章天子郊廟衣皐上絳下前三幅  
後四幅衣畫而裳繡

三禮圖卷三

謹案第三頁後七行詩云總角卅兮是也刊本卅  
兮訛之卅今改

第三十二頁後七行古人以其知天時刊本脫其  
字據匡謬正俗增





總校官庶吉士

臣

侍朝

校對官庶吉士

臣

許兆椿

謄錄監生

臣

李惠滋

欽定四庫全書薈要

經部

三禮圖卷四

五

詳校官編修臣程嘉謨



欽定四庫全書薈要卷二千五百四十九

經部

三禮圖卷四

宋 聶崇義 撰

宮室圖

明堂

宮寢制

王城

九服

律呂


圓丘樂

方丘樂

禘祫樂

大宗子

小宗子



四等附庸


井田

溝洫

明堂

此秦法  
故重出

明 堂



周人明堂度九尺之筵東西九筵南北七筵堂崇一筵  
五室凡室二筵賈釋註云明堂者明政教之堂又夏度  
以步殷度以尋周度以筵是王者相改也周堂高九尺  
殷三尺以相參之數而禹卑宮室則夏堂高一尺又上  
註云堂上爲五室象五行以宗廟制如明堂明堂中有  
五天帝五人神之坐皆法五行以五行先起於東方故  
東北之室爲木其實兼水矣東南火室兼木西南金室  
兼火西北水室兼金矣以中央太室有四堂四角之室


亦皆有堂乃知義然也故賈釋太史閏月下義云明堂  
路寢及宗廟皆有五室十二堂四門是也既四角之堂  
皆於太室外接四角爲之則五室南北止有二筵東西  
各二筵有六尺乃得其度若聽朔皆於時之堂不於木  
火等室若閏月則闔門左扉立其中而聽朔焉故鄭云  
於文王在門謂之閏

法夏制凡階南  
面三三面各二





# 宮 寢 制



舊圖以此爲王宮五門及王與后六寢之制今亦就改而定之孔義依周禮解王六寢路寢在前是爲正寢五在後通名燕寢其一在東北王春居之一在西南王秋居之一在東南王夏居之一在西北王冬居之一在中央王季夏居之凡后妃已下更與次序而上御於王之五寢又案內命婦註云三夫人已下分居后之六宮其實三夫人如三公從容論婦禮不分居除三夫人外已下分居九嬪每宮各一人餘有三人在二十七世婦每

宮各三人餘有九人在八十一御女每宮各九人餘有二十七人在從后唯其所燕息焉以后不專居一宮須往即停故知從后所在而燕息也其次又上十五日而徧者此謂九嬪已下分居六宮皆三分之一分從后兩分居宮五日一番假令月一日分從后至月五日從后者日滿則右邊三宮之中舊居宮者來替此從后日滿者卻入在右邊三宮從后者至十日又滿則左邊三宮舊居宮者來替從后日滿者亦卻居左邊三宮又至十


五日即三番總徧矣先鄭云后正寢在前五小寢在後  
若如此說可與左三宮右三宮之義互相發明如王六  
寢其制自顯

天子五門曰臯曰庫曰雉曰應曰路

舊本只圖此五門而無


名目今特  
添釋之

王城



匠人營國方九里旁三門國中九經九緯經塗九軌左  
祖右社面朝後市賈釋註云營謂丈尺其大小天子十  
二門通十二子謂以甲乙丙丁等十日爲母子丑寅卯  
等十二辰爲子國中地中也城內經緯之塗皆容方九  
軌軌謂轍廣也乘車六尺六寸傍加七寸凡八尺九軌  
七十二尺則此塗十二步矣王城面有三門門有三塗男  
子由右女子由左車從中央南北之道爲經東西之道  
爲緯王宮當中經

# 服 九



周之王畿與九服共方萬里故此九服除王畿之外每服而言又方以別之畿者限也樹之封疆而限千里故曰王畿其外方五百里曰侯服侯者候也爲王斥候服者服事於王又其外方五百里曰甸服甸田也爲王治田出稅又其外方五百里曰男服男者任也爲王任其職理又其外方五百里曰采服采事也爲王事民以供其上又其外方五百里曰蠻服蠻者縻也以政教縻之又蠻服大司馬謂之要服要者以政要束爲義於四要



之內方七千里故王制註云周公復唐虞舊域分其五服爲九其要服之內七千里又其外方五百里曰夷服謂此一服在夷狄之中故以夷言之又其外方五百里曰鎮服此一服入夷狄又深故須鎮守之又其外方五百里曰藩服以其最在外爲藩籬也

欽定四庫全書

卷四

律呂相


生之圖

六月林鍾  
五月蕤賓  
四月仲呂

七月夷則

八月南呂

九月無射



二月姑洗

二月夾鍾

正月太簇

十月應鍾  
十一月黃鍾  
十二月大呂


太師註云黃鍾初九下生林鍾之初六賈釋云黃鍾在子一陽爻生爲初九林鍾在未二陰爻生得爲初六者以陰故退位在未故曰乾貞於十一月子坤貞於六月未也林鍾又上生太簇之九二太簇又下生南呂之六二南呂又上生姑洗之九三姑洗又下生應鍾之六三應鍾又上生蕤賓之九四蕤賓又上生大呂之六四大呂又下生夷則之九五夷則又上生夾鍾之六五夾鍾又下生無射之上九無射又上生仲呂之上六同位者

象夫婦異位者象子母所謂律娶妻而呂生子也同位  
謂若黃鍾之初九下生林鍾之初六俱是初之第一夫  
婦一體是象夫婦也異位謂若林鍾上生太簇之九二  
二於第一爲異位是象母子也但律初生者爲夫婦呂  
所生者爲母子十二律呂律所生者常同位呂所生者  
常異位故云律娶妻而呂生子也

欽定四庫全書

卷四

圓丘樂



凡樂圜鍾爲宮黃鍾爲角太簇爲徵沽洗爲羽雷鼓雷  
鼗孤竹之管雲和之琴瑟雲門之舞冬日至於地上之  
圜丘奏之若樂六變則天神皆降註云天神則主北辰  
先奏是樂以降其神禮之以蒼璧周人禘饗而郊稷謂  
此祭天圜丘以饗配之圜鍾夾鍾也夾鍾生於房心之  
氣房心爲大辰天帝之明堂疏引石氏星經天官之註  
云房心爲天帝之明堂布政之所出大火爲大辰夾鍾  
在卯位生於房心之氣爲大辰天出日之處爲明堂故



以夾鍾爲天之宮又註云以此三者用聲類求之謂以  
天地人三宮各用聲類求之若十二律相生終於六十  
即以黃鍾爲首終於南呂今此三者爲宮各於本宮上  
相生爲角徵羽麤細須品或先生後用後生先用故云  
聲類求之也註又云天宮夾鍾陰聲其相生從陽數者  
其夾鍾與無射相配合之物夾鍾是呂陰也無射是律  
陽也天是陽故宮後歷八相生還從陽數是從無射數  
也故下云其陽無射無射上生仲呂仲呂與地宮同位

而不用地宮林鍾也林鍾自與蕤賓合但仲呂與林鍾同在南方故云同位以天尊地卑故嫌同位而不用也仲呂上生黃鍾黃鍾爲宮也黃鍾下生林鍾林鍾地宮又嫌不用林鍾上生太簇太簇爲徵也太簇下生南呂南呂與無射同位又不用南呂上生姑洗姑洗爲羽祭天四聲足矣鼗鼓鼗鼗八面孤竹竹特生者雲和山名

方丘樂

地祇

凡樂函鍾爲宮太簇爲角沽洗爲徵南呂爲羽靈鼓靈  
鼗孫竹之管空桑之琴瑟咸池之舞夏日至於澤中之  
方丘奏之若樂八變則地祇皆出註云地祇則主崑崙  
先奏是樂以致其神禮以黃琮函鍾林鍾也林鍾生於  
未之氣未坤之位或曰天社在東井輿鬼之外天社地  
神也疏引星經天社六星輿鬼之南是其輿鬼外也天  
社坤位皆是地神故以林鍾爲地宮也林鍾上生太簇  
太簇爲角太簇下生南呂南呂爲羽先生後用也南呂

上生沽洗沽洗爲徵後生先用祭地四聲足矣靈鼓靈  
鼗六面孫竹竹枝根之末生者案毛傳云枚幹也幹即  
身也以其言孫若子孫然故知枚根末生者也空桑亦  
山名上言天神六變此地祇言八變下人鬼言九變者  
皆據靈異而言但靈異大者易感小者難致故也



帝  
祫  
樂

人  
鬼

凡樂黃鍾爲宮大呂爲角太簇爲徵應鍾爲羽路鼓路  
鼗陰竹之管龍門之琴瑟九德之歌大磬

音韶

之舞於宗

廟之中奏之若樂九變則人鬼可得而禮矣註云人鬼  
則主后稷先奏是樂以致其神而以圭瓚裸神也此謂  
秋祫知者但殷人祫以三時周禮唯用孟秋之月爲之  
黃鍾生於虛危之氣虛危爲宗廟賈釋云黃鍾在子子  
上有虛危是生於虛危之氣也又星經云虛主宗廟是  
虛危爲宗廟也故黃鍾爲人宮黃鍾下生林鍾林鍾犯



地宮避之不取也林鍾上生太簇太簇爲徵先生後用也太簇下生南呂南呂與天宮之陽同位又避之亦不取也南呂上生沽洗沽洗南呂之合又避之沽洗下生應鍾應鍾爲羽應鍾上生蕤賓蕤賓地宮之陽以林鍾是地宮與蕤賓相配合故又避之蕤賓上生大呂大呂爲角以絲多後生先用也祭人鬼四聲足矣路鼓路鼗四面鼓陰竹生於山北者龍門亦山名



大 宗 子

別子  
爲祖

繼別  
爲宗

大  
宗

大  
宗

大  
宗

別子爲祖此謂諸侯適子之弟別於正適故稱別子爲祖者謂此別子子孫爲卿大夫者立此別子爲始祖也註云謂之別子者公子不得禰先君也此決上庶子王今諸侯庶子乃謂之別子是別爲始祖若其世子不立庶子公子得有禰先君之義今云別子明適子在故謂之別子者公子不得禰先君也又云繼別爲大宗此謂別子之世長子恒繼別子與族人爲百世不遷之大宗

# 小宗子

別子  
庶子

繼禰爲  
小宗

庶子

繼禰  
者

繼祖  
者

庶子

繼禰  
者

繼祖  
者

繼曾  
祖者

庶子

繼禰  
者

繼祖  
者

繼曾  
祖者

繼高  
祖者

庶子

繼禰者爲小宗禰謂別子之庶子其庶子所生長子繼此庶子與兄弟爲小宗故云繼禰爲小宗也謂之小宗者以其五世則遷比大宗爲小也即下云有五世則遷之宗其繼高祖者也五世謂上從高祖下至玄孫之子即合遷徙不得與族人爲宗也知此五世則遷之宗是繼高祖之子者以其繼高祖者之身未滿五世而猶爲宗記文略唯云繼高祖者其實是繼高祖者之子也

# 四等附庸

附庸	伯	附庸
附庸		附庸
附庸		附庸
附庸		附庸

附庸	封魯	附庸
附庸		附庸
附庸		附庸
附庸		附庸

附庸 附庸 附庸 附庸 附庸 附庸 附庸 附庸 附庸 附庸

附庸	子	附庸
附庸		附庸
附庸		附庸
附庸		附庸

	公	

附庸	男	附庸
附庸		附庸
附庸		附庸
附庸		附庸

附庸	侯	附庸
附庸		附庸
附庸		附庸
附庸		附庸

附庸 附庸 附庸 附庸 附庸 附庸 附庸 附庸 附庸 附庸

大司徒職註云凡諸侯爲牧正帥長及有德者乃有附庸爲其有祿者當取焉然則牧正帥長皆是諸侯有功者得有附庸爲祿又諸侯有德者雖不爲牧正帥長亦得取閑田爲附庸以爲祿也又註云公無附庸侯附庸九同伯附庸七同子附庸五同男附庸三同進則取焉退則歸焉以天子畿方千里上公方五百里地極故公無附庸侯附庸九同者謂侯有功進受公地但公五百里開方之百里者五五二十五侯四百里開方之四四




十六加九同則爲二十五同與公等故知侯附庸九同也伯附庸七同者伯地三百里三三而九加七同則爲十六與侯等子本地四同有功進受伯地五同與伯等男有功進受子地男本一同加三同與子等進則取閑田爲附庸退則歸之閑田故云進則取焉退則歸焉魯雖侯爵以其是王子母弟得如上公受五百里之地與上公等又成王以周公之勲賜魯以侯伯子男四等附庸下註附庸二十四是此四等附庸之數也

欽定四庫全書

三才圖會  
卷四

# 井田



小司徒佐大司徒掌都鄙三等之采地而爲井田故經云九夫爲井四井爲邑四邑爲丘四丘爲甸四甸爲縣四縣爲都以任役萬民使營地事而貢軍賦出車役又采地之中每一井之田出一夫之稅以入於官但此都鄙是畿內之地小司徒並營其境界故孟子曰夫仁政必自經界始經界不正井地不均穀祿不平是故暴君汙吏必慢其經界經界既正分田制祿可坐而定也此圖一甸之田則縣都之法亦可見矣

遂  
同洫溝

遂	遂	遂	遂	遂	遂	遂	遂	遂	遂
洫									溝
洫									溝
洫									溝
洫									溝
洫									溝
洫									溝
洫									溝
洫									溝
洫	遂	遂	遂	遂	遂	遂	遂	遂	溝

遂人職凡治野夫間有遂遂上有徑十夫有溝溝上有  
畛百夫有洫洫上有塗千夫有澮澮上有道萬夫有川  
川上有路以達于畿註云十夫二鄰之田百夫一鄣之  
田千夫二鄙之田萬夫四縣之田遂溝洫澮皆所以通  
水於川也遂廣深各二尺溝倍之洫倍溝澮廣二尋深  
二仞徑畛塗道路皆所以通車徒於國都也徑容牛馬  
畛容大車塗容乘車一軌道容二軌路容三軌都之野  
塗與環塗同可也匠人環塗七軌萬夫者方三十三里


少半里九而方一同以南畝圖之則遂從溝橫洫從澮  
橫九澮而川周其外焉賈釋遂從者南北細分是一行  
隔爲一夫十夫則於首爲橫溝十溝即百夫於東畔爲  
南北之洫十洫則於南畔爲橫澮九澮則於四畔爲大  
川此川亦人造雖無丈尺之數蓋亦倍澮耳此川與匠  
人澮水所注川者異彼百里之間一川謂大川也案梁  
正計九而方一同積是一同則九萬之夫田也圖施於  
六遂則六鄉之制亦明矣





堂

明



此秦制改周法爲九室三十六戶七十二牖十二階今以月令是秦法故存其制圖之於後

三禮圖卷四